

四庫全書

子部

欽定四庫全書

子部

玉海卷三十一

詳校官給事中_臣查善長

主事_臣祁韻士覆勘

總校官進士_臣朱 鈐

校對官編修_臣盧 澂

謄錄監生_臣黃臣鵠

欽定四庫全書

玉海卷三十一

宋 王應麟 撰

聖文

御製賦

漢武帝所造賦

志上所自造賦二篇

注武帝

魏文帝戒盈賦

見藝文類聚 文帝善辭賦

魏喜霽賦

文帝有喜霽賦云激清風以漂潦發皎日之陽暉

見藝文類聚

聚

梁歷代賦

天監十七年周捨奉敕注武帝所製歷代賦啓周興嗣助馬 隋志歷代賦十卷梁武帝撰

唐威鳳賦 懷昔賦

太宗與長孫無忌共艱難作威鳳賦以賜且況其功貞觀

政要作威鳳賦以自喻因賜房玄齡

楊琮與秦王同居武德初為王

府參軍隱太子事平詔親王宰相一人入宴而琮獨預

太宗賜懷昔賦申以恩意

文苑英華云感舊賦

初學記賦曰有

一威鳳總翮朝陽晨遊紫霧夕飲玄霜資長風以舉翰
戾天衢而高翔徘徊感德顧慕懷賢

唐藉田賦

見藉田類 高宗儀鳳二年 梁武帝有藉田詩

唐玉華宮賦

高宗為太子貞觀二十二年二月引庶子少詹事司議
舍人賦詩言志援筆制序翌日太宗以示王公司徒無
忌對曰太子稟承天訓羣藝日新是歲太子制玉華宮
山銘又獻玉華宮賦

唐玄宗喜雨賦

見張說集 潔齋壇墀五精是祠暴立炎赫三日為期
上帝臨我衷誠不欺重泉蒸潤觸石吐滋納清陰之浮

涼混和氣而飄灑感作霖於殷命諷其滂於周雅體雲
行而雨施吾何事乎天下 張說等和者五人 韓休
賦昭宸文於合璧式王度其如金 徐安貞賦大舜之
慶雲已發武帝之秋風莫比 賈登賦十有六年

唐紫宸殿受朝賀賦

會要元和九年正月朔御製

恐是賦
詩當考

太平興國平晉賦 鑾輿凱旋賦

四年五月己丑御製平晉賦賜從官皆令繼作又製平

晉五七言詩各一首賜從官俾之屬和丁酉詔曰并門
底定鑾輅凱旋宜崇衆善之因以紀一戎之業其行在
所創為佛廟賜號平晉寺御製平晉記刻石建於寺內
辛丑次榆次縣御製鑾輿凱旋賦賜從官令繼作癸卯
製回鑾至側石書懷詩一首

淳化大言賦

四年八月一日行書賜蘇易簡曰宋玉遇楚王未足以
為美易簡逢真主堪師法於後人今賜卿大言賦名四

句曰少年盛世兮為詞臣古往今來兮有幾人云云

乾道御製春賦

三年三月癸卯賜宰執御製春賦上曰人主不可不知
民事七月之詩陳王業艱難近嘗作春賦放蘇軾赤壁
賦為之大意言農事方興要使無失其時宰臣魏杞請
窺聖作故賜之四年二月庚子賜宰臣蔣芾等辛丑芾
奏聖學高妙虞舜之歌不能遠過賦略曰吾將觀登
臺之熙熙包八荒而為家穆然若東風之振槁洒然若

膏雨之萌芽心遊造化之表寄妙用於無言洪邁跋曰
乾道四年正月庚寅詔賜臣邁春賦一首凡四百七十
有二言雲漢為章奎璧絢耀昭回之光下飾萬物臣拜
而言曰古今能文者多矣惟廣大高明開闔造化然後
足以為帝王之文章帝王之文多矣惟經緯天地鼓舞
動植然後足以盡聖人之能事元首之歌薰風之辭湯
盤之銘方策所載昭然若揭日月漢祖沛中之歌高簡
雄伉讀之竦然使人毛髮欲立武帝悼河功之不成作

瓠子之歌紆徐屈折可以一唱而三嘆然鴻鵠高飛之
謳連娟修嫋之賦惑於嬋嬋心折氣沮彼二君者豈真
帝王之所以為文者哉陛下以天縱之聖高視萬古肆
筆成書震撼一世巍乎其如天煖乎其如春嵩衡岱華
不足以為高黃鍾大呂不足以為清乾坤施生之妙陰
陽動化之蹟探端索至發其機緘大哉言乎直與詩書
丘索相表裏天之斯文於是無復餘地 淳熙十三年
三月乙未出御製春晝絕句賜邁四月辛亥和邁所進

辛玉津詩邁謂深得無逸之餘旨 唐太宗有首春詩

御製碑銘

黃帝銘 巾机法 孔甲盤盂

見著書類

漢志道家黃帝銘六篇雜家孔甲盤盂二十六篇 田

蚡傳學盤盂諸書應劭曰黃帝史孔甲所作銘也凡二

十六篇書盤盂中所以為法

七畧曰孔甲黃帝之史

皇覽記黃

帝金人器銘曰武王問尚父曰五帝之戒可得聞乎尚

父曰黃帝之戒曰吾居民上搖搖恐夕不及朝故為金

人三封其口曰古之慎言人 文心雕龍黃帝刻輿几以
弼違大禹勒筍簾而招諫 朱穆傳注黃帝作巾机之
法孔甲有盤盂之誠 劉存事始蔡邕銘論曰黃帝有

金几之銘

又文選注引蔡邕銘論云
德非此族不在銘典

禹筍簾銘 禹碑

筍簾銘見招諫 碑見御書

湯盤銘

大學湯之盤銘曰苟日新日日新又日新正義湯沐浴

之盤而刻銘為戒朱子曰湯以人之洗濯其心以去惡如沐浴其身以去垢故銘其盤成湯所以反之而至聖者正惟有得於此故稱其德有曰不適聲色不殖貨利以義制事以禮制心從諫弗弗改過不吝與人不求備檢身若不及皆足以見日新之實至於所謂聖敬日躋則言愈約意愈切矣伊尹自謂湯咸有一德而於復政太甲之初復以終始惟一時乃日新為戒周之武王於几席觴豆刀劍戶牖莫不銘焉蓋聞湯之風而興起者

於常用之器各因事刻銘以致戒欲其常接乎目每警
乎心而不至忽忘也 墨子堯舜禹湯書其事於竹帛
琢之盤盂曰君子福大而愈懼爵隆而益恭 漢志小
家說天乙三篇注謂湯其言皆依託也 選注太公金
匱師尚父謂武王曰舜之居人上矜矜如履薄冰湯之
居人上翼翼懼不敢怠 蔡邕銘論殷湯有甘誓之勒
賈誼新書湯曰學聖人之道者譬其如日

周武王丹書 誠書 銘 起居誠 武王几

杖書

學記大學之禮雖詔於天子無北面所以尊師也注尊師重道焉不使處臣位也武王踐阼召師尚父而問焉曰昔黃帝顓頊之道存乎意亦忽不可得見與師尚父曰在丹書王欲聞之則齊矣王齊三日端冕師尚父亦端冕奉書而入負屏而立王下堂南面而立師尚父曰先王之道不北面王行西折而南東面而立師尚父西面道書之言疏曰皆大戴禮武王踐阼篇大戴禮唯云

帝顓頊之道無黃字或古本不與今同丹書者師說云
赤雀所銜丹書也云師尚父亦端冕案大戴禮無此文
鄭所加也其書之言曰敬勝怠者強怠勝敬者亡瑞書

云敬勝怠者吉怠勝敬者滅義勝欲者從欲勝義者凶

與瑞書同矣

後漢紀注引太公金匱亦有敬義二句
此四句亦見荀子議兵篇及六韜太公對

文王至道之間凡事不强則枉不敬則不正枉者滅廢敬者萬

世以仁得之以仁守之其量百世以仁得之以不仁守
之其量十世以不仁得之以不仁守之必傾其世王聞

書之言惕然若懼退而為戒書於席之四端為銘及凡

鑑孟盤楹杖帶履劒矛為銘銘皆各有語在大戴禮

丹書

凡三十九字安樂必敬為十六銘之首傳心之要也

大戴禮武王踐阼第五十

九武王踐阼三日召師尚父而問焉云云道書之言曰敬
勝怠者吉云云敬者萬世藏之約行之行可以為子孫常
者此言之謂也且臣聞之以仁得之云云王聞之惕若恐
懼退而為戒書於席之四端為銘曰安樂必敬無行可
悔一反一側亦不可不志所監不遠視爾所代机之銘

曰皇皇惟敬鑑之銘曰見爾前慮爾後盥盤之銘曰與其溺於人寧溺於淵溺於淵猶可游也溺於人不可救也楹之銘曰毋曰胡殘其禍將然毋曰胡害其禍將大毋曰胡傷其禍將長杖之銘曰惡乎危於忿戇惡乎失道於耆欲惡乎相忘於富貴帶之銘曰共則壽履屨之銘曰勞則富觴豆之銘曰戒之憍憍則逃戶之銘曰名難得而易失牖之銘曰隨天之時以地之財敬祀皇天敬以先時劔之銘曰帶之以為服動必有德弓之銘曰

屈申之義廢興之行無忘自過矛之銘曰造矛造矛少

間弗忍終身之羞余一人所聞以戒後世子孫

注貽厥孫謀以

燕翼子武王之詩也

太公金匱武王曰吾隨師尚父之言因為

書銘隨身自戒其冠銘曰寵以著身不正為咎書履曰

行必慮正無懷僥倖書劔曰常以服兵而行道德鏡曰

以鏡自照則知吉凶書車曰自致者急載人者緩取欲

無度自致而反書鋒曰忍之須臾乃全汝軀書刀曰刀

利皚皚無為汝開書井曰原泉滑滑連早則絕取事有

常賦歛有節硯之書曰邪心讒言無得汙白牖之書曰

闕望審且念所得可思所忘 詩正義中候我膺云季

秋之月甲子赤雀銜丹書入豐止於昌戶 是類謀曰受

赤雀銜書

注入戊午節二十九年云云

春秋元命苞曰鳳皇銜丹書

於文王之都

丹書命云雖授金鈴師名呂 周禮疏案中候我膺云季秋七月甲子赤雀銜丹書

入鄴至昌戶再拜稽首受 詩正義又云大戴禮說武王盟孟儿杖皆有銘

史記正義尚

書帝命驗云季秋之月甲子赤雀銜丹書入于鄴止于

昌戶其書曰敬勝怠者吉義勝欲者從以仁得之以仁

守之其量百世

與踐作篇同

呂氏春秋文王見火鳥銜丹書

集於周社故色尚赤

淮南子至德之世洛出丹書

晏子春秋公游

於紀得金壺發而視之中有丹書曰食魚無反勿乘駑

馬晏子曰食魚無反毋盡民力乎勿乘駑馬無置不肖

者於側乎公曰紀有書何以亡也對曰君子有道懸之

閭紀有此言注之壺不亡何待乎 鄧析子湯有司直

之人武有戒謹之銘 後漢朱穆傳上疏曰古之明君

有輔德之臣規諫之官下至器物銘書成敗以防遺失

注黃帝作巾机之法孔甲有盤盂之誠太公陰謀曰武

王衣之銘曰桑蠶苦女工難得新捐故後必寒鏡銘曰

以鏡自照見形容以人自照見吉凶觴銘曰樂極則悲

沉湎致非社稷為危

唐羅衮曰太公陳觴鏡之銘

崔駰傳銘諸几

杖刻諸盤杆注太公金匱

選注引陰謀同

武王曰吾欲造起居

之誠隨之以身几之書曰安無忘危存無忘亡孰惟二

者必後無凶杖之書曰輔人無苟扶人無咎

几杖之銘見于太公

金匱之書而注於後漢崔駰之傳觴鏡之銘見於陰謀之書而注於朱穆之傳又有衣銘焉

太平

御覽太公陰謀武王曰吾欲造起居之誠隨之以身箠
書曰馬不可極民不可劇馬極則躓民劇則敗金匱門
之書曰敬遇賓客貴賤無二戶之書曰出畏之入懼之
鑰之書曰昏謹守深察訖 蔡邕銘論武王踐阼咨于
太師作席几楹杖器械之銘十有八章周廟金人緘口

書背銘之以謹言所以勉令德也

夫選注蔡邕銘論曰武王踐阼咨于太師

而作席几
楹杖雜銘

武王金版銘

見銘類

唐歸崇敬傳言春秋

釋奠孔子皇帝北面揖以為太重宜准武王受丹書於

尚父行東面之禮

宋朝寧宗

初紹熙五年閏十月戊午

侍講朱

熹講大學至盤銘日新因論武王有丹書皆人主憂勤警戒之意上曰近有人進此書蓋黃庭堅所書也武

王始克商訪洪範於箕子始踐阼又訪丹書於太公可謂急於問道矣孔子贊易於坤之六二曰敬以直內義以方外自黃帝而武王自武王而孔子其一道與急欲既泯敬義斯存直方以大協德于坤

周鍾山銘

穆天子傳觀臨鍾山

一作泰山

乃為銘跡於平圃之上以詔

後世

謂刊石紀功

紀名迹于弇山之石曰西王母之山登贊

皇山以望臨城

山海經穆王至崑崙之丘眺鍾山之

嶺勒石西王母之山絕迹玄圃之上 文心雕龍周穆

紀迹于弇山之石 集古錄贊皇壇山有穆王刻石曰

吉日癸巳 文粹夏后開宛委之圖周穆紀春山之石

水經注碣石山漢武帝登之以望巨海而勒其石

漢四皓碑

見後

唐晉祠碑

唐叔虞祠也高祖初起兵禱是祠太宗為立碑 貞觀

二十年正月幸晉祠立碑製文親書於石

金石錄太宗製并行書二

十年
七月

唐玉華宮銘 萬年宮銘

會要貞觀二十二年四月太宗御製玉華宮銘令皇太子已下並和永徽二年九月改九成宮為萬年宮五年

三月一云五月親製萬年宮銘并序七百餘字羣臣請刊石

建于永光門從之

金石錄在鳳翔麟遊縣行書永徽六年五月

唐底柱銘

太宗

見後

金石錄有御製溫泉銘司馬公曰唐太宗刻

銘底柱之陰魏鄭公撰字幾沒然殘缺僅可讀

唐慈恩寺碑

顯慶元年四月戊申御安福門樓觀僧元奘等迎御製書慈恩寺碑文

唐游儀銘

集賢注記開元十二年沙門一行造黃道游儀成以進
上御製銘學士陸去泰奉勅題製造年月及工匠姓名

于盤下

御書填以金字餘
題記填以銀字

唐華岳祠碑銘

呂向傳玄宗勒石西岳詔向為鐫勒使 會要開元十
二年十一月四日庚午上幸東都十日至華州命刺史
徐知仁與信安王禕勒石華岳祠南道上御製碑文仍

書之明年七月七日碑成張應天門以示百僚

銘序曰十二載

孟冬之月銘曰高標赫日半壁飛雨

通典十三年於華州岳祠南立碑

實錄開元十三年五月戊戌以親製西嶽碑示百僚

有五色雲見于前 文粹又有御製后土神祠碑銘皆張說之辭也

唐紀泰山銘

開元十三年十一月有事于泰山上製紀泰山銘親扎

勒石於石壁

金石錄八分書十四年九月

又有龍角山紀聖銘

開元十七

年九月

太宗作魏徵碑

貞觀十七年正月

高宗作李勣

碑

儀鳳二年十月

明皇作張說碑

開元十八年

德宗作段

秀實碑

興元元年

崔圓為蜀留後玄宗親製遺愛碑以

寵之

司馬子微諡正一先生親文其碑又親製

一行碑文并書於石

東都聖善寺中宗為太后

追福自製碑

唐紀功碑

李晟復兩京帝紀其功自文于碑勅皇太子書立于東

渭橋晟謝表云上援彥範次述子儀 韋臯擒論莽熱
獻諸朝帝製紀功碑褒賜之

唐鐘銘

西域傳摩揭它本中天竺屬國貞觀二十一年始遣使
自通高宗遣王元策至其國摩訶菩提祠立碑後德宗
自製鐘銘賜那爛陀祠 金石錄天寶三載六月明皇
撰真源觀鐘銘八分書

唐宸扆台衡銘

馬燧傳燧平河中

貞元元年

還太原德宗賜宸扆台衡二銘

并序以言君臣相成之美勒石起義堂西偏帝觴其顏以

寵之

會要云止為題額

宸扆銘曰求賢惟廣辨理惟精逆心

拂志必嘉乃誠順旨苟容亦察其情斥去姦諛全度中

貞凡將有為靡不三思喜怒以節動靜以時台衡銘

曰天列日星象垂于人聖人則天亦建輔臣以翼以弼

為衡為鈞如耳目應心如股肱運形

自求賢辨理至宣猷同德

權

德輿為燧行狀云貞元元年上賜杜希全君臣箴公奉

表賀因賜是銘各一首令男暢謝恩請揭而書於起義

堂詔優荅曰比夫盤盂自銘亦異輔佐同德 會要九

年十月

冊府元龜云元年恐會要誤

上以燧平汴宋魏博河中功益

高賜二銘并序 文苑英華燧請到御製箴銘曰援申

甫以作誠紹唐虞而追蹤日以勲賢稱其威武內以為

子孫藏外以垂金石刻

太平興國戒子銘

太宗九子興國八年並封上作戒子銘及詩賜之

太宗戒石銘

紹興二年六月癸巳詔有司摹黃庭堅所書太宗戒石銘勒諸堅珉徧賜守令命刻之庭石置諸坐右七月癸酉呂頤浩等跋洪邁曰狀煥野人閑話首篇頒令箴載蜀王孟昶為文頒諸邑云凡二十四句唯經表出者詞簡理盡遂成王言太宗書此以賜郡國立於聽事之南謂之戒石銘銘曰爾俸爾祿民膏民脂下民易虐上天難欺

至道製趙普碑

至道三年六月製韓王趙普神道碑銘親八分書以賜之并篆額人謂三絕 皇祐二年六月製太師中令隴西郡王李用和神道碑仍篆曰親賢之碑 仁宗御集有銘六卷

祥符泰山銘贊 會真宮碑 泰山述二聖銘

汾陰配饗銘 祀汾陰聖製 上清宮銘

明道宮碑

祥符二年五月戊午對輔臣于後苑出御製御書登泰

山謝天書述二聖功德銘司命天尊仁聖天齊王周文
憲王玄聖文宣王讚玉女像記示之十月丙午遣內侍
以御製泰山銘贊九軸賜丁謂等尋分賜近臣十二月
辛卯出聖製會真宮碑示王旦等三年正月戊寅召近
臣觀龍圖閣書又至資政殿出聖製會真宮碑九天司
命天尊殿銘泰山重修聖像記上又製五言詩一首賜
王旦等和 晏殊作東封聖製頌見前 四年二月辛酉
祀汾陰壬戌上作汾陰二聖配饗銘河清顯聖靈源公

西海廣潤王贊示輔臣又作七言詩賜留守向敏中三
月壬午幸上清宮作上清宮銘及七言詩示近臣八月
壬戌詔輔臣于後苑觀御製御書祀汾陰二聖配饗銘
記十八本九月辛卯內出聖製祀汾陰碑銘贊記凡十
八本于朝堂示百官從御史趙湘之請也丁謂晁迥李
宗諤楊億等十三人咸上歌頌以贊盛美詔褒之五月
五日辛卯對輔臣于崇政殿觀御製汾陰銘贊七年
七月御製朝謁太清宮頌南京頌明道宮碑聖祖殿等

銘贊示近臣八月丁丑於景福殿示輔臣十月己未詔
奉祀陪位五使導駕扈從官勒名碑陰 書目真宗御
集銘六卷碑銘六卷贊八卷頌六卷

祥符宗室坐右銘

祥符三年九月時帝親製五箴以自儆判宗正寺趙湘

日對請御製文以戒宗室使知孝悌恭儉之節

湘言宗室風化

所本宜有以訓厲願特製銘以賜南北邸

丁亥上作宗室坐右銘并注分賜

寧王元偓以下因謂近臣曰凡為童稚時訓導之為益

且久苟聰悟者讀書便能成誦終身不忘朕舊在藩邸
先帝令朕遵行然宗子既衆當須輔導得人自今十歲
以上並令入學委時大雅教之判宗正寺趙湘請朕著
歲以戒之又以示宗室因製此銘以申誨導可付學士
院降詔賜之寧王等亦降詔諭意分賜并及湘諭之曰
卿宗姓也故有此賜

會要與
實錄同

祥符龍門銘

祥符四年祀汾陰回三月癸未幸西京龍門山諸寺作

游龍門詩有寶塔一新輝勝概玉毫遍飾罄殊功之句
又作龍門銘

祥符內藏庫銘

祥符四年九月辛未朔壬申上作內藏庫銘

述先帝節用愛人之

意初命陳彭年撰記彭年表請聖文故從之五年八月

辛丑幸內藏庫觀所立聖製內藏庫銘亭述儲侍之

通規昭祖宗之懿範元豐有景福殿庫詩

天禧會靈觀銘

天禧元年二月戊寅作會靈觀銘元符觀頌思政論四年十一月癸丑賜輔臣會靈觀銘石本晏殊謝表漢章鸞藻述真宇之有嚴龍篆龜趺播天聲于不朽

天禧乾文殿聖製碑 脩河碑

四年二月癸未朔詔滑州新建僧院賜名福寧院御製碑文以寵之作乾文殿以奉安聖製碑石丁酉滑州言決河塞丙戌上作滑州脩河碑示近臣己亥以河平致祭庚子羣臣詣崇德殿稱賀

熙寧製韓琦碑

熙寧八年十一月御製尚書令韓琦碑以寵勲舊

崇寧帝昚銘

三年十月戊午

淳祐訓廉謹刑銘

章聖七條 熙陵戒石十六字

四年正月一日御製謂祖宗以仁立國以禮義廉恥待士大夫而有位者或淫于刑或冒于賄爰作二銘以儆以訓 謹刑銘民吾同胞疾痛猶己報虐以威刑非得

已仰惟祖宗若保赤子明謹庶獄惻怛溫旨金科玉條
豪析銖累夫何大吏蔑棄法理逮于郡邑濫用笞箠典
聽朕言式克欽止 訓廉銘周典六計吏治條陳以廉

為本乃良而循彼肆貪虐與豺虎均肥于而家多瘠吾
民縱逴於法愧其冠紳貨悖而入菑及後人我朝忠厚
黜貪為仁咨爾羣辟是訓是遵銘者名也因其器名書
以為戒 帝堯作龜書靈后氏象形篆以銘鍾鼎

事始

御製箴贊頌

堯戒

淮南子人間訓堯戒曰戰戰慄慄日謹一日人莫躋於山而躋於垤孟子放勲曰勞之來之匡之直之輔之翼之使自得之又從而振德之賈誼新書脩政語帝堯曰吾存心于先古加志于窮民帝舜曰取之以敬得之以敬隋志識緯堯戒舜禹一卷皇王大紀黃帝作輿几之箴以警宴安作金几之銘以戒逸欲史記趙良曰虞舜有言曰自卑也尚矣

夏歲

周書文傳解第二十五文王受命九年時維暮春在鄩

召太子發曰吾語女所保所守厚德廣惠忠信愛人君

子之行夏歲曰中不容利民乃外次

孔晁注夏禹之歲戒書也利福業次

舍于田開望曰土廣無守可襲伐土狹無食可圍竭

開望古書

名也夏歲曰小人無兼年之食遇天飢妻子非其有大

夫無兼年之食遇天飢臣妾與馬非其有也國君無兼

年之食遇天飢百姓非其有也

注古者國家三年耕必有一年之儲非其有言

流亡也 戒之哉弗思弗行至無日矣 有十年之積者王有五年之積者霸無一

年之積者亡 文選王元長策秀才文注周書夏箴曰小人

無兼年之食妻子非其妻子也 太平御覽引之 文心雕龍夏

商二箴餘句頗存 呂氏春秋有商箴周箴 五子之歌述大禹之

戒其一曰皇祖有訓 魏絳述夏訓晏子述夏諺 漢

志雜家大命三十七篇傳言禹所作其文似後世語師

古曰命古禹字 墨子夏書曰禹七年水周書曰國無

三年之食者國非其國也家無三年之食子非其子也

賈誼新書大禹曰民無食也則我勿能使也功成而
不利于民我弗能勸也 胡廣百官箴序曰墨子著書
稱夏箴之辭 後魏李彪曰傳著夏氏之箴

唐陸機王羲之贊

太宗製晉史撰二帝及陸機王羲之贊

唐太宗凌烟閣功臣贊

志一卷

唐睿宗漢高祖贊

初學記赫赫漢祖應若興雲

唐顏子贊

見釋奠類 金石錄孔子弟子贊明皇與宋璟等撰元和十年十一月孟簡立又睿宗撰老子孔子顏子贊

唐開元十八學士贊

開元十一年麗正學士進詩上嘉賞之自燕公以下十人各賜贊以褒美之勅曰得所進詩甚為佳妙並據才能略為贊述上自於五色牋八分書之尹鳳翔贊就

院散付學士尋勅畫像書贊于含象亭車駕東行不果

又見圖類 十八學
士名及贊並見後

唐起義堂頌 啓聖宮頌 見宮室

開元十一年正月辛卯幸并州上親製起義堂頌及書

刻石紀功于太原府之南街詳見堂類 姬詠周原劉歌沛

邑於昭義堂誓衆資始天命所起于胥頌美

唐鵲鵒頌

寧王憲傳玄宗時有鵲鵒千數集麟德殿廷木魏光乘

作頌以為天子友悌之祥帝喜亦為作頌 頌云我所
息宴桂宮蘭殿九月辛酉雍渠伊見飛鳴行搖在原之
趣急難有情逼之不懼顧惟涼德天下所效友于親賢
實以為教魯衛分政遊處其睽召之至庭邕邕怡怡尊
收御節寒露微結觀此翔禽我心以悅昆季縱目詠詩
索棣良史爰褒有慚虛昧 張說和詩云神藻飛為鵲
鵲賦 金石錄鵲鵲頌明皇撰并行書

唐陝州聽事贊

盧貞傳為陝州刺史開元二十四年帝西還次陝嘉其
美政題贊于聽事曰專城之重分陝之雄亦既利物內
存匪躬斯為國寶不墜家風尋召為兵部侍郎

又賜宰相竹扇

及贊

金石錄明皇撰并行書開元二十四年十月

唐開元令長新戒

通鑑二十四年二月甲寅宴新除縣令于朝堂上作令
長新戒一篇賜天下縣令 集古錄玄宗自擇縣令一
百六十三人賜以丁寧之戒天下為縣者皆刻石今所

得凡六

河內至舞陽金石錄又有開元二十六年六月誠牧宰勅

令長新戒曰

我求令長保天下人人之所為必有所因侵漁浸廣賦役不均使夫離散莫保其身徵諸善理寄爾良臣與之革故政在惟新調風變俗背偽歸真教先為富惠恤于貧無大無小以躬以親責躬勸農其惟在勤墨綬行令孰不攸遵曷云被之我澤如春漢表云萬戶以上為令減萬戶為長

唐汜水紀功頌

王海

見紀功

唐君臣箴

奉天之狩朔方節度使杜希全分兵赴難賊平貞元九年十二月遷檢校尚書右僕射靈鹽等州節度使獻體要八章砭切政病帝嘉納之賜君臣箴一篇會要舊史

同載箴云從諫則聖共理惟賢將負宸以虛心期盡忠而納誨在昔稷契實正舜禹逮茲魏徵佐我皇祖戀闕方甚嘉言乃昌詞高理要入德知方縱彼千慮被于八

章汝其夙夜明保朕躬華戎仰德時乃之風

唐政刑箴

崔位賀聖製政刑箴表云致理和平躋人壽域猶懷兢業重設箴規酌裁成立政之中求司牧措刑之本信成康之能事蓋堯禹之用心可以萬邦作孚千載垂範金

石不朽日月俱垂勤萬機于一日二日立盛德于先天

後天金石錄德宗撰政刑箴八分書

貞元十四年十二月

舊

史貞元十二年十二月乙未上著政刑箴一首

以聽政之餘深

思理本

德宗謚冊云政刑有箴宸扆有銘煥乎文明之

化成也

建隆御製先聖二贊

國初增脩國子監學舍脩飾先聖十哲畫像七十二賢
及先儒二十一人像于東西廊之板壁建隆二年十一
月己巳上幸學御製先聖文宣王及亞聖兗國公贊十
哲以下命兩制分贊之唐開元七年圖七十二子于壁
上作顏子贊而已書目國子監兩廟贊二卷太祖真

宗御製及羣臣分撰文宣武成王二廟贊 文宣贊曰
尼父挺生河海標異祖述堯舜有德無位 梁元帝自
圖宣尼像為贊而書之

太平興國戒子篇

太平興國初太宗至東宮出戒子篇命皇子侍讀郭贊

注解且令委曲講說以諭諸王

本傳

端拱修身箴 淳化賜進士箴

端拱三年三月壬寅御崇政殿親試進士陳堯叟等賜

第上作修身箴賜之勉以修身謹行稽古効官之意

初內

殿策士賜詩至
堯吏始易以箴

淳化三年三月癸卯賜進士孫何等

御製箴一首丙辰賜宴瓊林苑又賜御詩三首己酉又

賜儒行篇為座右之戒詩箴並賜時論榮之

唐故事禮部放榜勅

下之日為間喜宴于曲
江近世多于名園佛廟

淳化秘閣贊序

淳化三年五月甲寅詔增修秘閣八月壬戌朔宴宰臣
李昉以下于秘閣三館與馬上作詩以美其事已而秘

書監李至上表乞御製贊以光秘府上許之仍以六體
親書贊文并序及篆額刻石一本云閣成帝作贊賜之
李至上表請以御製贊刻石秘閣帝以宰臣前已陳請
又重違至意詔曰近以延閣載新萬機多暇聊書贊詠
以美成功遽覽封章願刊穹石垂于不朽良積厚顏其
贊并序當親書篆額以旌秘府

景德龍圖閣贊

祥符瑞物閣贊

見總瑞

景德二年四月戊戌上閣太宗御書于龍圖閣作詩令

近臣應制及命李宗諤作序庚子又作龍圖閣贊示輔臣

祥符文宣王贊

祥符元年十月二十六日詔以紀號介丘觀風廣魯以十一月朔旦幸曲阜縣謁文宣王十一月戊午上服靴袍詣文宣王廟內外設黃麾仗孔氏家屬陪列有司定儀止肅揖上特再拜又幸叔梁紇堂命刑部尚書溫仲舒等分奠七十二子先儒暨叔梁紇顏氏上制贊刻石

廟中復幸孔林以樹木擁道降輿驟至文宣王墓奠拜
詔加諡曰至聖文宣王祝文進署仍修葺祠宇給近便
十戶奉瑩廟又詔留親奠拜祭若翌日又遣吏書張齊
賢等以太牢致祭賜其家錢三十萬帛三百疋以四十
六世孫同學究出身聖祐為奉禮郎近屬授官及賜出
身者六人又追封叔梁紇為魯國公顏氏為魯國大夫
人伯魚母开官氏為鄆國大夫人先是詔有司檢討漢
唐褒崇宣聖故事欲追諡為帝或言宣父周之陪臣周

止稱王不當加帝號故第增美名春秋演孔圖曰孔子母感黑帝而生故曰玄聖莊子曰恬淡玄聖素王之道遂取以為稱二年五月戊午以御製御書玄聖文宣王讚示輔臣六月丙午詔刻于石壁天禧五年六月己未國子監請以聖製贊及詔命洎近臣所撰十哲七十二賢贊鏤版流傳從之又為周文憲王贊昭烈武成王贊會要祥符二年五月戊午製文宣王贊示近臣十一月甲申下言欲依張齊賢向敏中王嗣宗等乞觀

御製文宣王武成王等贊及令丁謂等于廟堂宣示百
官帝曰此但紀一時事何足于廟堂宣示宰臣王旦等
言君父聖作臣子願觀未許旦等再三陳上許之翌日
齊賢等奉表稱謝 崇文目總集始于兩廟贊文一卷
式墓而荆棘自辟升堂而絲竹如聞

晏殊
頌

祥符禮選贊

太宗時邢昺嘗纂禮選以獻其後真宗閱書禁中得其
本作贊以示近臣 寶錄祥符三年五月乙巳上作禮

選贊賜侍講學士邢昺

祥符自戒箴 守官箴

祥符三年三月丁酉上謂王旦等曰朕自北鄙和好邊
陲無事然居安慮危未嘗敢自逸每為文以自儆置座
右朝夕觀之因出貴康食吟軫田夫吟念農歌自戒箴
守官箴以示旦等 御製五箴在後即此箴

祥符天書周伯星贊

三年十二月丁巳作二贊

祥符廣孝泉贊

祥符四年二月甲子駕駐河中府觀舜井賜名廣孝泉
修飾欄檻禁民慢褻二井南北相連可秉炬而入史記
所謂穿空旁出者也公府中井脉皆鹹獨此水甘美俗
傳飲者愈疾帝作贊記之又命王欽若作記改舜泉坊
曰廣孝坊五月於其側建廟

祥符西嶽真君贊 景靈宮頌 南京頌

四年二月二十日作 景靈宮頌見祠宮 南京頌見

銘類

大中祥符頌

祥符四年八月乙丑學士李宗諤請聖製左承天祥符門碑從之先是天書降即詔增葺宗諤以錫符之地當有聖作上謙遜久之於是作大中祥符頌以宗諤所撰文刻于碑陰 元年四月丙戌御製景靈宮贊頌刻石

祥符真遊頌 朝謁太清宮頌 元符觀頌

五年十二月乙酉作真遊頌示近臣七年七月

或作八月丁丑

製朝謁太清宮頌明道宮碑聖祖殿銘九年四月庚戌
作元符觀頌刻石天禧二年正月辛亥出元符觀頌示
輔臣 七年七月壬子修真遊殿本名延恩以聖祖臨
降因以題牘丁謂請御書殿額

祥符賜內侍箴

祥符六年三月甲戌上作內侍箴并注釋賜都知閻承
翰等大指以內懷祗謹乃可事君其或輕率必當陷刑
辟而失身苟能靖專無或放佚朕之望也監治軍戎唯

在甘苦一同臨蒞之務兼濟奉使于外本自無威苟假
朝廷之威人之奉爾蓋為朝廷或不矜伐掌守禮度不
自專輒常稟法制則外人見仍加欽重復命入對勿希
旨勿附辨但存公平之道常持正直節儉忠直不為奢
侈之事切思矯偽勿思遲遲爾有勤勞國家必以官報
爾不求自至也承翰請刻石本省從之 慶厯中孫沔
奏太宗著令式之文真宗述箴規之訓

祥符五箴 坐右文

趙湘判宗正寺時帝撰五箴自儆

一本云祥符二年撰

湘因言宗

室風化所本宜有以訓厲帝悅為撰宗室坐右銘

見三

年三月丁酉上謂王旦曰為文自警置諸坐右

祥符太宗聖文神筆頌 六閣圖書贊

六年正月庚戌詔曰太宗聖文冠古仙翰入神曩於臨御之年爰徇衆多之請眷中州之至廣在勝境之相望幸降德音屢頒副本朕丕承若厲恭閱惟勤輒陳頌歎之辭冀申孺慕之感云云應諸路州軍宮觀寺院名山靈

跡經賜太宗御書者件析以聞當降御製太宗聖文神
筆頌刊石又賜王旦以下御製御書太宗聖文神筆頌
龍圖閣瑞物閣贊龍圖閣六閣圖書贊太宗御製御書
目錄龍圖閣瑞物閣瑞寶目錄龍圖閣書籍圖書目錄石
銘太湖石銘共八軸並石本從所請也九年二月并玉
宸殿記刊石寘諸翔鸞閣下癸卯召近臣觀之

天禧元良箴 元良述 六藝箴

天禧二年八月甲辰立昇王為皇太子癸丑上作元良

歲七言十韻詩賜之又作七言詩二首分賜賓客

李廴庶

子

張士遜

以下三年九月二十三日丙子召宗室近臣對

清景殿內出御製賜皇太子元良述六藝箴各一卷又

賜承華要略十卷授時要錄十三卷又以御覽國史兩

朝實錄太宗御集等書賜皇太子又作七言十韻詩賜

宰臣冠準等遂宴于殿內十二月辛卯又以賜輔臣宮

僚請降副本于資善堂以備觀覽太子謝表曰為鶴

禁之寵光聳瑤山之軌範漢幄堯門爰增于禮秩湯

盤武几遂著于格言潤金壁以為辭並義舒而宣曜

崇寧景靈宮贊 宣和文宣王贊

崇寧元年四月十二日建景靈宮成作贊 宣和四年

正月製文宣王贊

紹興宣聖贊 七十二賢贊

紹興十四年三月十八日己巳幸太學覽唐明皇及太祖真宗祖考所製贊文命有司取從祀諸贊悉錄以進二十四日乙亥御製御書宣聖贊命揭于大成殿刻石

盼諸路州學上謂輔臣曰唐明皇作贊斥先聖名非是
閱曰尤見聖學高出帝王之上二十五年又製七十二
賢贊親札刊石盼降焉二十六年十二月戊午廷紳請
盼諸州郡學校從之宣聖贊曰志則春秋道由忠恕
賢於堯舜日月其譽

隆興御製贊

元年七月御製御書大士贊賜天竺寺八月二十二日
御製贊誦賜宗杲光堯御製盤松贊康壽殿生芝草

光堯製贊云履正懷冲

乾道御製蘇軾文集贊

乾道元年閏正月御製蘇軾集贊其序曰成一代之文章必能立天下之大節贊曰手抉雲漢幹造化機氣高天下乃克為之猗嗟若人冠冕百代忠言謹論不顧身害云云敬想高風恨不同時掩卷三嘆播以聲詩選德殿書賜蘇嶠先是有詔贈軾太師

紹熙瑞芝贊詩

元年四月乙酉宣示宰臣以慈福宮瑞芝圖及壽皇御製贊上御製詩及高宗御製瑞芝贊壽皇御製詩付史館

淳祐聖賢十三贊

萬幾餘閒博求載籍推迹道統之傳自伏羲迄于孟子
凡達而在上其道行窮而在下其教明各為之贊 元
年孟春祇謁先聖賜國子監宣示諸生

伏羲 堯
舜 禹 湯

文 武 周 孔 顏
曾 子思 孟子

寶祐字民訓

四年三月二十五日丙辰御製字民訓爾等服勞州縣
始獲脫選通籍信難矣學製為尤難其律已必廉否則
墨其養民必惠否則暴其聽訟必公否則私其蒞事必
勤否則怠往即乃封祇若予訓邑有善狀朝徹夕聞表
用有先朝故典在昔子路以治蒲為難夫子誨之以恭
寬溫恕之理三年而政成朕之言夫子之遺意聽之毋
忽四月六日丁卯令吏部書于改官印紙閣門引見日

宣示

玉海卷三十一

欽定四庫全書

玉海卷三十二

宋 王應麟 撰

聖文

御製論

魏文帝典論

隋志儒家典論五卷魏文帝撰

唐志同 隋志有一
字石經典論一卷

文

帝初在東宮著典論詩賦百餘篇集諸儒於肅成門講

論大義以素書餉孫權又以紙寫一通與張昭 明帝

太和四年二月戊子刻石于廟門之外及太學與石經

並以示來世

以孫權不服班太宗論于天下明示不願征伐也

著太宗論

本紀注載典論自叙 魏志注引典論 文選載論

文

唐高宗股肱論

顯慶二年六月上製元首前星維城股肱誠次著股肱

論令許敬宗註釋名曰天訓

唐玄宗周易大衍論

志玄宗作周易大衍論三卷

祥符勤政論 俗吏辨 祥瑞論

祥符五年八月丙午真宗作勤政論俗吏辨示近臣曰
近聞中外議論以朝廷當總覽大事斥去小務以玄默
為上德以簡易為聖治故能恢至靜之化逃苛酷之議
且王者心稍自逸人即受弊若宴居中禁為樂終日忽
在予之責之難外有機務雖可屬于攸司內有心志其

何檢于放逸且邦家之事刑政而已政令一出為安危之基刑辟一施有死生之法人以為小吾以為大小務不親必倦于大政大政一倦孰思于永圖又當謹之於始制之于後向所謂玄默者謂無嗜好簡易者謂無滋苛卓異乎不事其事獨樂其樂者也又古人受命于帝庭制治于官次夙夜匪懈不得啓處及乎晉室始尚清談放逸有高士之名勤勞得俗吏之目居官蒞職當晝而忘食宵而忘寢功名有所立富貴不為泰則小人以

為俗吏國家以為盡臣也宰相等咸請聖製出示朝堂
從之 長編五年八月丙午上作祥瑞論勤政論俗吏
辨賜輔臣人一本因曰始聞中外有議及朝廷崇奉祥
瑞躬親細務者故著此以曉之輔臣請于朝堂宣示百
官詔聽近臣就中書繕寫丁謂請于國學刻石從之十
月庚戌國子監孫奭等言國學先許以聖製祥瑞勤政
論俗吏辨三篇刻石望特賜宸翰從之 七年四月己巳
百官觀于國子
監 祥瑞論大指謂明王有不祥而祇畏中人觀嘉應

而侈泰是以春秋不書其事然神祇亦以揚祖宗之烈當欽承而宣布之若恃休祺而自肆固宜戒也

祥符崇儒術論 為君難為臣不易論

祥符五年十月辛酉真宗以崇儒術為君難為臣不易二諭示王旦等先是龍圖閣學士陳彭年等因奏對上謂之曰儒術污隆其應甚大國家隆替何莫由斯故泰衰則經術道息漢盛則學校興行其後命歷迭改而風教一揆有唐文物最盛朱梁而下王風浸微太宗丕變

弊俗崇尚斯文朕獲紹先業謹遵聖訓禮樂交舉儒術
化成實二后垂裕之所致也又曰為君之難由乎聽受
臣之不易在乎忠直其或君以寬大接下臣以誠明奉
上君臣之心皆由于正直而行至公相遇此天下之達
理先王之成憲猶指諸掌孰謂難哉彭年曰陛下聖言
精詣足使天下知訓伏願躬演睿思著之篇翰頌之以
二諭示彭年復請示輔臣旦等因請赴國子監刻石從
之

祥符解疑論

祥符六年孫奭上言國家祠祀巡幸多用開元故事且明皇政治多缺非全德之君不可遵法十月丁丑上作解疑諭示之因語左右曰國家勤稽古制止如今日之百官率多秦置豈可以秦暴而廢耶但詢之古道擇善而行何謂不可因言開元天寶政事優劣曰姚崇宋璟真名相也明皇委之無疑誠為至當而過聽林甫國忠斯可惜也王旦曰奸邪之人誣害良善其言似忠人主

難辨外人罕敢極言取禍故國忠林甫得以專橫人君若能察好陷人而自進者十可見其七八唐室危而人歸唐德者賴祖宗仁愛浸厚也 趙安仁述論疏為獻

祥符皇帝伯四論

五臣論

樂府
文論

寶錄祥符八年四月四日癸丑召輔臣觀書玉宸殿王欽若陳堯叟馮拯趙安仁預焉始觀太宗御書移御別殿觀皇王帝伯四論良臣正臣忠臣奸臣權臣五論幸水軒垂釣侍臣賦詩辛酉賜輔臣御製五臣論各一本

從所請也九年二月癸卯召近臣登翔鸞閣觀太宗御書因示聖製太宗聖文神筆頌玉宸殿記五臣論樂府辭上作歌詩二篇命從臣賦詩宴玉宸殿聖製或刻石題板或朱黃書于石壁從臣祇誦聖藻莫測淵蘊學士李維謂人曰讀五臣論大意賞良臣而樂善人也會要觀聖製樂府文論上曰朕著述唯以寓意豈敢工王旦曰披誦聖製神伏心解

天禧思政論 會靈觀銘 元符觀頌

天禧元年二月戊寅作會靈觀銘元符觀頌思政論名

輔臣至龍圖閣示之

仍出正說春秋要言清景殿書事詩

庚辰中書樞密

院上書蒙宣示思政論言已輟于述作專親政務望特
頒睿制以廣風教九月丁巳以御製思政論正說賜輔
臣近臣從待制李虛已之請也詩題十事歌戒三惑
守官有箴思政有論御集有論九卷述一卷

天禧三惑論

天禧元年二月辛巳上作三惑論并歌續畫刻板摹本

以賜輔臣 仁宗乾興元年八月辛亥以三惑論賜輔臣

天禧寬財利論

天禧二年七月甲戌以樞密直學士李士衡為三司使罷陝西市米募民送京師如入粟法以售鹽及羊網任民私市以足數關輔民大便說之上作寬財利論以賜之又出內藏錢二百萬以助經費其年十二月庚戌士衡請刻石本廳從之

天禧欵器論 戒酒論

天禧二年九月辛巳

紀九月庚辰

上作欵器論戒酒論稼穡

倍登詩以示輔臣乾興元年八月辛亥以欵器論賜輔臣

慶厯危竿論

一作論

慶厯四年三月己卯帝御通英閣出危竿論一篇述居高謹危之意顧侍讀學士丁度等曰朕觀書之暇取臣僚上言及進封事有可施于政治者書以分賜卿等度

暨侍講曾公亮楊安國王洙等既拜賜因注釋其義從之元祐六年劉摯奏仁宗所錄三十六事內危竿論聖意以為人君處至危之地譬如危竿須用正直之木古人謂邪蒿人君不可食以其名不正況邪佞之人乎

乾道用人論

乾道五年十一月五日丁巳御書御製用人論賜宰臣陳俊卿等略云邪佞亂真比比皆是知人則哲帝王所難哲王用人廣獨智以照臨稽衆論而遴選擇不厭精

任不厭久 俊卿對選德殿詔撰用人說今在集中與
宸翰文異而指同 孝宗之用人也郎陟郡勞臺登縣
績武優轉級職待有勲課儒生以金穀角進士以弧矢
嚴更迭之法以練才實躬臨遣之勤以達壅蔽朝士聞
官乃除無需次之淹要郡留闕選才無輕投之冗黜賊
吏之世賞進軍功於流內

淳熙御製論

六年十一月乙卯御製論數百言欲草取士用人之弊

及信賞必罰之法俾輔臣宣示侍從上曰此唯欲戒飭
臣下趨事赴功而已 會要六年十一月一日宰臣趙
雄等奏欲就堂中請侍從宣示御製上曰此論欲戒飭
臣下趨事赴功而已雄等奏陛下訓教如此何啻迅雷
臣等及中外大小之臣無不震懼七年五月一日御製
艮石銘跋賜雄等

淳熙原道辯

八年御製原道辯曰以佛修心以道養生以儒治世愈

之論從其跡而已文成以示侍讀史浩浩奏曰愈作是篇所主在帝王傳道之宗乃萬世不易之論聖學高明融會釋老使歸于儒末章乃自生分別大學之道自物格知至至于天下平可以修心養生治世無所處而不當何假釋老之說耶望陛下竄定末章則善矣侍講程大昌亦言之於是易名三教論 孝宗輯敬天之圖頒恤民之詔反安南之象則旅葬之不蓄觀御苑之麥則無逸之先知乾文參乎典謨宸畫

麗乎河漢嘉陸贄之忠蓋采崔寔之達權 製贄以美
孝德之感作賦以闡造化之工歌詩以發規恢之雄述
論以飭用人之道旨義渾垂表裏六經臨策貢士命舉
賢良東觀閣書西雍講禮足以宣其文甄拔將校砥練
師屯細柳按軍射殿閣士足以鬯其武

淳祐忠邪辯 仁厚論

闕

御製記序

唐太宗帝範序

見文苑英華

唐太宗御製述聖賦序

見文苑英華 又見賦類

唐麟德殿宴百僚詩序

王緯謝表手詔賜以皇太子所寫聖製麟德殿宴百僚
詩序御製中和節詩序日月揚光風雲動色 邁殷湯
之晨露掩虞舜之薰風 鸞鳳之勢鍾王莫儔掩鍾張

之筆札竝虬鸞以飛動 日月爛其光彩風雲蔚其氣
色 開元二十五年邢璣冊新羅上製詩序太子已下
及百僚賦詩送之

舊史

唐聖教序 雍熙聖教序

志釋氏類元範注二帝三藏聖教序一卷

太宗高宗

兩京

記玄奘與惠明靈潤等翻定六百五十七部太宗製

三藏聖教序

太宗序云三藏要文凡六百五十七部

見文苑英華

高宗為太

子又為述聖記並勒碑銘置慈恩寺浮圖

永徽四年十月褚遂良書

開元二十三年九月親注金剛經及修義訣 雍熙
三年十月戊午出御製新譯聖教序賜宰臣李昉等咸
平二年七月壬寅製繼作聖教序 仁宗述三寶贊以
冠藏錄

唐高宗東殿新書序

見承詔撰述

唐玄宗道德經序

玄宗道德經序撮其指歸雖蜀嚴而猶病摘其章句自

河公而或略隨意所得遂為箋註

唐玄宗孝經序

見藝文孝經類

唐玄宗六典序

見典故類

唐穆宗長慶宣明厯序

見厯法類

建隆應天厯序 太平興國乾元厯序

乾德元年四月作建隆應天厯序 興國七年十月作
乾元厯序

開寶本草序

開寶六年四月製重定神農本草序

太平興國平晉記

四年五月壬午劉繼元降己丑上作平晉賦及詩令從
臣和丁酉以行宮為平晉寺上作平晉記刻石寺中

皇祐五年三月甲子詔奉安太宗聖容于并州資聖院

統平殿七月戊申謂輔臣曰并州四月二十二日奉安聖容仍以平晉記來上與車駕至太原城下之日同何其異也

景德乾坤寶典序

景德二年五月司天少監史序上四百一十七卷上作序

景德御製三記

景德四年正月己未車駕進發丁卯至安昌熙三陵朝

拜二月己巳次西京癸酉詔藝祖挺生之地建神御殿
如啓聖院制度庚寅召輔臣於內東門觀太祖彈元壁
初開寶九年太祖幸西都因行郊禮嘗戲彈於門之北
壁其迹三存馬上觀之興感命有司設龕護之至是啓
而觀焉辛卯發西京三月己亥至自西京三月乙巳召
輔臣登太清樓觀書出御製太清樓新寫御覽書籍西
京內東門太祖皇帝彈元壁二記王旦等請以副墨為
賜許之甲子內出聖製太清樓新寫御覽書籍西京內

東門彈元壁

二月作

朝拜諸陵因幸西京記賜輔臣一

本四月戊辰以御製御書三記賜待制尚書侍郎等從
所請也八月丁巳遣使以御製三記賜兩制館閣羣臣
從其請也十月乙巳御史中丞王嗣宗等表求三記副
本王旦曰陛下性與天道發為聖文中丞掌蘭臺石室
書願可其奏從之堯沈壁于河為握河記今尚書中

候是也

帝王世紀

祥符封禪記序

祥符元年十二月製封禪記序

祥符泰山銘記

泰山
銘贊

二年五月戊午出泰山謝天書述二聖功德銘玉女像
記示輔臣十月丙午以御製泰山銘贊賜丁謂等九軸
因請以御製泰山銘及九天司命天齊王周文憲王丈
宣武成王贊於朝堂宣示百官召近臣就三司觀之帝
曰此但記一時事何足宣示宰臣王旦等固請從之尋
分賜近臣翌日稱謝十一月壬子朔泰山太平頂磨崖

刊聖製畢三年正月戊寅

二十日

作觀新製泰山銘記周

備書懷五言詩賜旦等屬和

祥符宸章集序 冊府元龜序 御製游藝集

後序

見前

寶文統錄序 法寶錄序

祥符三年四月丁巳待制陳彭年上準詔纂歷代帝王

集正位十五卷閏位十卷帝作序賜名宸章集 六年

八月壬申作新修冊府元龜序丁亥又出御製法寶錄

序 八年十月乙巳製先天紀序 九年三月己酉作

寶文統錄序

王欽若定道藏經總為目錄賜名寶文統錄

易象既備文王

作乎繇辭典誥既刪宣聖制其書序

祥符諸王唱酬詩集序

五年三月庚寅作

共四首

祥符聖祖降臨記

五年十月戊午聖祖降臨于延恩殿己未札示中外庚申羣臣詣崇政殿賀晁迥等請改殿名及御製銘頌以章降格之慶詔曰可乃改延恩殿曰真游十一月庚子

御製聖祖降臨記及真游頌以示輔臣焉明年二月丙寅召宗室觀真游聖祖降臨之迹九年十月乙酉出聖祖篇翰等及降臨內記真紀于龍圖閣示輔臣天禧三年六月戊申召宗室近臣等詣真游殿觀像設仍賜御製聖祖降臨記人一匣云實錄天禧三年三月戊午內出聖祖降臨內記四十卷示輔臣

祥符資善堂記

祥符八年十二月辛卯制授皇子慶國公忠正軍節度

使壽春郡王九年二月十八日甲午詔元符觀太子就學新堂宜以資善為名因製記是年四月戊戌張士遜請以聖製資善堂記刻石堂壁從之

皇子壽春郡王仁宗也

天

禧三年正月乙未朔上詣元符觀宴宗室于資善堂辛亥宴從臣召壽春郡王府官屬預焉出聖製資善堂記

祥符玉宸殿記

祥符九年二月癸卯召近臣于翔鸞閣示聖製聖文神筆頌玉宸殿記五臣論樂府辭遂宴于玉宸殿刊石翔

鸞閣又作詩命從臣和 玉宸殿蓋上宴息之所中施
御榻帷帳皆黃繒為之無文飾殿東西聚書八千餘卷
上曰此惟正經史校定者小說他書不預
見景德四年三月乙巳
御集有序八卷記六卷

慶厯觀文監古圖記

慶厯元年七月戊申朔上命圖畫前代帝王美惡之事
可為監戒者號觀文監古圖上自為記召輔臣至迎陽
門觀之 元祐五年五月范祖禹乞覽此圖

皇祐三朝訓鑒圖序

皇祐元年二月內翰林李淑知制誥楊億編纂成十卷御製序

皇祐大饗明堂記序

皇祐三年二月九日製明堂記序 御集有欽崇裡祀記三卷

治平資治通鑑序

四年十月甲寅翰林學士司馬光初讀資治通鑑神宗

親製序面賜光令侯書成日寫入又賜頴邸舊書二千

四百二卷

賜舊書不在此時
今從帝學并書之

詳見編年類

崇寧辟雍記

三年十一月御製

紹興損齋記

二十八年八月晦復古殿書御製損齋記蕩心侈目惑
心害性者罔不掃除清心寡欲省緣薄費者奉以周旋
揮毫弄墨真草自如濃淡斜行茂密如意未能忘情似

賢乎已朝夕清燕視以自儆以漢武明皇為戒凡二百五十八字吏書賀允中請布之中外十月庚寅上謂宰執曰朕宮中嘗闢一室名為損齋屏去聲色玩好置古

書經史其中朝夕燕坐亦嘗作記以自儆沈該等請降

御札以啟廸在位於是內出碑刻

一云親札
石刻百本

賜百官皆

表謝又賜諸路監司帥臣及諸州學各一本上曰允中嘗于經筵問朕好道之意朕謂之曰朕之所好非世俗之所謂道也治道貴清靜故恬淡寡欲清心省事所謂

為道日損期與一世之民同躋仁壽如斯而已當降出
碑本賜卿等又惟比年侈靡成風如昏祭之類至有用
金玉器者不可不戒於是降詔諭中外如上旨羣臣言
太宗評經史章聖思政論仁宗三十五條皆著國史請
宣付史館

一本云十月庚寅出是記示宰執因請頒于
中外又以親札付史館會要作十一月非也

高宗發為宸章雲漢昭回裁詩樂以侑禋祀則十二篇
涵風雅之妙記損齋以明鑒戒則數百言皆道德之辭

高宗御製翰墨志

闕

乾道御製聖政序

乾道二年九月御書御製光堯聖政序

一云二年十月三日製序仍書

賜叅政蔣芾等請勒之
秘府與河圖大訓並傳

紹熙三年十二月四日進

孝宗聖政先二日親製序仍書賜宰臣留正 慶元六

年二月二十二日進光宗聖政翌日製序書賜叅政臣

深甫並刻石秘府

紹定緝熙殿記

見殿類

寶祐資善堂記

寶祐二年製資善堂記祖宗以仁厚為心法以問學為家法踐阼以來欽若往則謹刑有銘仁厚有論曷嘗一念不本乎仁敬天有圖緝熙有記曷嘗一息不敏乎學矧予元子穎悟夙成甫佩鰈鰓良心純一善端之萌如泉始達迎之而充此其機也繼自今母伺好逸母適宵人思閭閻之隱而母為富貴所移念稼穡之難而母為

紛華所惑孝弟以為仁之本惻隱以充仁之端弦焉誦
焉學之以聲禮焉書焉學之以事則德修而罔覺習貫
而自然資善之益豈淺淺哉

御製諭述

唐金鑑述

貞觀二年正月庚午帝著金鑑述以示侍臣其略曰至
治未嘗任不肖至亂未嘗任賢任賢則享天下之福任
不肖則罹天下之禍宣宗大中初令狐綯為翰林學士

他夜召與論人間疾苦帝出金鑑書曰太宗所著也卿
為我舉其目絢摘句舉此帝曰善朕讀此凡三復乃已
絢再拜曰陛下欲興王業捨此孰先詩曰惟其有之是
以似之

本傳

張蘊古大寶箴云爰述金鏡窮神盡聖使

人以心應言以行包括治體抑揚詞令 政要太宗曰
朕當保此三鏡以防已過 又曰金鏡書御覽載此篇
云金鏡述

祥符奉天庇民述

祥符三年上將祀汾陰王旦曰漢唐因巡幸行禮未有特祭陛下為民祈福不憚櫛沐上曰但冀民獲休祥於朕無憚謂近臣曰自十二月朔當食蔬食宰相再三請上曰太祖太宗每奉郊禋皆屏葷茹朕三祀圓丘悉奉行之顧外庭不知耳東封亦自戒塗蔬食十二月己巳遂作奉天庇民述以諭之睢壇行宮舊路在后土廟前上曰朕未謁廟廷而輿輦儀仗先過其前非當恭之意遂令有司鑿路由廟後而出

會要三年十二月己巳作示羣臣王旦等

實

錄祥符三年十二月己巳上作奉天庇民述曰王者上承天下佑民在罄誠明而勿貳守典訓而靡忘況邦之大事在乎接神苟或接神而不恭何以為民而祈福

祥符奉神述

祥符四年五月乙未詔加上五岳帝號遣官奉冊六月乙巳上作奉神述曰況惟此舉本用庇民在乎眇躬且絕私禱尚虞率土未照此誠乃牽課成文庶幾言志云耳七月丁亥資政殿大學士向敏中等請以聖製奉神

述刻石遂親書刻石于奉神觀九年三月庚申丁謂請

刻石于會靈觀從之

書目一卷祀汾陰還述以諭中外

皇祐五年正

月觀火更名集禧六月觀成舊止西偏建一殿祠五岳

名奉神殿命知制誥蔡襄重模故本

仁宗拱立命襄追讀

立石東

廡名神藻殿

仁宗實錄

天禧欽承寶訓述

天禧元年正月辛丑朔改元謁玉清昭應宮薦獻玉皇

上冊寶壬寅上聖祖帝號己酉上太廟謚冊庚戌饗宗

室辛亥恭謝天地于南郊御天安殿上冊尊號乙卯命
宰相宣讀天書于天安殿遂謁玉清昭應宮二月甲戌
上作宣讀天書欽承寶訓述示羣臣

天禧元良述

天禧三年九月二十三日丙子召宗室近臣對于清景
殿內出御製賜皇太子元良述六藝箴各一卷承華要
略十卷授時要略十二卷又以御覽國史兩朝實錄太
宗御集等賜皇太子命從臣徧閱之十二月辛卯賜輔

臣元良述六藝箴各一卷承華要略各十卷 帝範訓
戒冠履相絕 又有元良箴 禹典貽子孫文謨佑後
人 元者善之長

慶厯觀文鑒古圖述

見圖類 書目仁宗御集有觀文鑒古圖述十卷 仁

宗康定二年 即慶厯
之元 采摭前代君臣故實可為鑒戒者

分列為圖隨事親述并序 上始黃序夢帝賚弼下迄

李唐褒忠賞直 紹興五年閏二月丙寅上曰朕昨日

見毛剛中所進鑒古圖乃仁宗即位之初采古人行事之迹繪而成圖便于省閱因以為鑒

慶厯危竿論

見前

皇祐歌器論後述

見歌器類 四年四月庚辰御通英閣示講讀官先是真宗作論上為後述以申進退存亡虧成之監丁度等請宣布于外上不許

虞舜勅天之歌大禹臨民之訓成湯官刑之制炳耀千古若大風之安不忘危金鏡之任賢去不肖抑其次也仰觀俯察而日月之代明星辰之羅布山川之流峙草木之生息凡物之相錯而粲然不可紊者皆文也堯之蕩蕩不可得而名而僅可名者文章也夫子之言性與天道不可得而聞而所可聞者文章也然則堯之文章乃蕩蕩之所發見而夫子之文章亦性與天道之流行謂文云者必如此而後為至 自伏羲所畫黃帝所

名箕子所陳仲尼所繙微辭奧義會心徹 仰聖人
而知衆說之小 天臨日鏡 鼓元氣而雷域中騰百
川而雨天下 仁覆德載 繼明嗣睿 運陶鈞於寶
思 英華颯颯 馳仁聖之極摯蹈帝王之登閼 德
高假樂聲繼猗那 以武功定海內刮疵剔瑕乾清坤
寧以文德化天下驚潛燭幽雷動日潤 戛切韶護
堯曠舜薰 寶附運思步障申戒細札之頒皇覽之作
煥乎之文大哉之言 天清地明日燭月霽 赫赫

我宋崇雅右文藩飾萬物如歲之春 乾健離文雷動

淵默 日暉川鏡乃武乃文 樂華曾舉禮葉旁垂

重雍襲熙玩心神明 襟道佩德軌堯矩舜 繩武衣

言漢倬星輝 天文昭回八表皆燭睿藻稽古六經不

刊 慶霄分暉溫洛開典



玉海卷三十二